

Ո Ր Ո Շ ՈՒ Մ
ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

« 10 » սեպտեմբեր 2020թ.

N Վ-36/66

1. Վարչական իրավախախտման վերաբերյալ գործի նկարագրությունը, վարչական ակտն ընդունելու համար հիմք հանդիսացող փաստերը.

Երևան քաղաքի Աջափնյակ վարչական շրջանի ղեկավարի աշխատակազմի աշխատակից Վ. Մանուկյանի կողմից 26.08.2019 թվականին հայտնաբերվել է «Գովազդի մասին» օրենքի (հետայսու՝ Օրենքի՝) 26-րդ հոդվածով նախատեսված իրավախախտում, մասնավորապես՝ «Էլիտ Էս Վե» սահմանափակ պատասխանատվությամբ ընկերության կողմից Երևան քաղաքի Հալաբյան փողոցի հ. 34/2 հասցեում առանց համապատասխան թույլատվության տեղադրվել է արտաքին գովազդ՝ «Ավտոսպասարկում, Ավտոպահեստամասեր, Էլիտ Մոթորս» բովանդակությամբ, որի վերաբերյալ 02.09.2019 թվականին կազմվել է վարչական իրավախախտման վերաբերյալ թիվ 001049 արձանագրությունը (հետայսու՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը «Էլիտ Էս Վե» սահմանափակ պատասխանատվությամբ ընկերության տնօրեն Սուրեն Մկրտչյանի կամ ընկերության ներկայացուցչի մասնակցությունը ապահովելու նպատակով Երևանի քաղաքապետարանի կողմից միջոցներ են ձեռնարկվել «Էլիտ Էս Վե» սահմանափակ պատասխանատվությամբ ընկերությանը կամ «Էլիտ Էս Վե» սահմանափակ պատասխանատվությամբ ընկերության տնօրեն Սուրեն Մկրտչյանին Երևանի քաղաքապետարանում կայանալիք նիստերի վերաբերյալ ծանուցելու համար, սակայն ծանուցադրերը չեն հանձնվել և հետ են վերադարձվել քաղաքապետարան կամ մինչ օրս ծանուցադրերը չեն վերադարձվել, իսկ «Էլիտ Էս Վե» սահմանափակ պատասխանատվությամբ ընկերության տնօրեն Սուրեն Մկրտչյանը կամ ընկերության ներկայացուցիչը չեն ներկայացել Երևանի քաղաքապետարան:

Հաշվի առնելով, որ Վարչական իրավախախտումների վերաբերյալ օրենսգրքի(հետայսու՝ Օրենսգրք) դրույթներով չեն կանոնակարգվում վարչական իրավախախտման վերաբերյալ վարույթների կասեցման դեպքերը, հիմքերն ու կարգը, և այդպիսի կարգավորումները սահմանվում են «Վարչական հիմունքների և վարչական վարույթի մասին» օրենքով (հետայսու՝ Օրենք²), ուստի ղեկավարվելով 49-րդ հոդվածի 1-ին մասի «գ» կետով՝ 02.09.2019 թվականին «Էլիտ Էս Վե» ՍՊԸ-ի նկատմամբ կազմված հ. 001049 արձանագրության հիման վրա հարուցված վարչական վարույթը 17.10.2019 թվականի վարչական իրավախախտման գործի վերաբերյալ հ. Վ-39/76 որոշմամբ կասեցվել է:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը «Էլիտ Էս Վե» սահմանափակ պատասխանատվությամբ ընկերության տնօրեն Սուրեն Մկրտչյանի կամ ընկերության ներկայացուցչի մասնակցությունը ապահովելու նպատակով Երևանի քաղաքապետարանի կողմից կրկին միջոցներ են ձեռնարկվել «Էլիտ Էս Վե» սահմանափակ պատասխանատվությամբ ընկերության տնօրեն Սուրեն Մկրտչյանին Երևանի քաղաքապետարանում կայանալիք նիստերի վերաբերյալ ծանուցելու համար, սակայն ծանուցադրերը չեն հանձնվել և հետ են վերադարձվել քաղաքապետարան:

Վարչական իրավախախտման գործի վերաբերյալ 11.12.2019 թվականի հ. Վ-47/21, 05.02.2020 թվականի հ. Վ-5/21, 01.04.2020 թվականի հ. Վ-13/14, 27.05.2020 թվականի

հ. Վ-21/81, 23.07.2020 թվականի հ. Վ-29/54 որոշումներով «Էլիտ Էս Վե» ՍՊԸ-ի նկատմամբ կասեցված վարչական վարույթը վերսկսվել է:

Վարչական իրավախախտման գործի վերաբերյալ 11.12.2019 թվականի հ. Վ-47/23, 05.02.2020 թվականի հ. Վ-5/27, 01.04.2020 թվականի հ. Վ-13/20, 27.05.2020 թվականի հ. Վ-21/86, 23.07.2020 թվականի հ. Վ-29/59 որոշումներով կասեցվել է 02.09.2019 թվականին «Էլիտ Էս Վե» ՍՊԸ-ի նկատմամբ կազմված հ. 001049 արձանագրության հիման վրա հարուցված վարչական վարույթը:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը «Էլիտ Էս Վե» ՍՊԸ-ի տնօրեն Սուրեն Մկրտչյանի մասնակցությունը ապահովելու նպատակով Երևանի քաղաքապետարանի կողմից կրկին միջոցներ են ձեռնարկվել «Էլիտ Էս Վե» ՍՊԸ-ի տնօրեն Սուրեն Մկրտչյանին Երևանի քաղաքապետարանում 10.09.2020 թվականին կայանալիք նիստին ծանուցելու համար:

«Էլիտ Էս Վե» ՍՊԸ-ի տնօրեն Սուրեն Մկրտչյանը ծանուցված լինելով 10.09.2020 թվականին կայանալիք գործի քննության տեղի և ժամանակի մասին՝ չներկայացավ, ուստի Օրենսգրքի 267-րդ հոդվածի 1-ին մասի համաձայն գործը քննվեց վերջինիս բացակայությամբ:

Գործի քննության ընթացքում՝ որպես մեկ համակցություն, հետազոտվեցին արձանագրությունը, Երևան քաղաքի Աջափնյակ վարչական շրջանի ղեկավարի 26.08.2019 թվականի հ. 28/07-3199, 16.10.2019 թվականի հ. 28/98025, 13.11.2019 թվականի հ. 28/109978 գրությունները, ընկերության պետական գրանցման վկայականի պատճենը, Երևան քաղաքի Քանաքեռ-Զեյթուն վարչական շրջանի ղեկավարի 03.12.2019 թվականի հ. 31/01-1/1086, 15.05.2020 թվականի հ. 31/01-44/86551 գրությունները և իրավախախտման լուսանկարը:

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում հիմնավորվեց, որ գովազդակիր «Էլիտ Էս Վե» սահմանափակ պատասխանատվությամբ ընկերության կողմից Երևան քաղաքի Հայաբլուր փողոցի հ. 34/2 հասցեում առանց համապատասխան թույլատվության տեղադրվել է «Ավտոսպասարկում, Ավտոպահեստամասեր, Էլիտ Մոթորս» բովանդակությամբ արտաքին գովազդներ, որով նաև իր նախաձեռնության մասին տեղեկություն է տարածում անորոշ թվով անձանց շրջանում, ձևավորելով հետաքրքրություն ընկերության նախաձեռնության նկատմամբ:

«Էլիտ Էս Վե» սահմանափակ պատասխանատվությամբ ընկերության կողմից թույլ է տրվել Օրենքի՝ 26-րդ հոդվածով նախատեսված վարչական իրավախախտում:

Հաշվի առնելով, որ «Էլիտ Էս Վե» ՍՊԸ-ի տնօրեն Սուրեն Մկրտչյանը չի ներկայացել գործի քննությանը, որի շրջանակներում հնարավորություն ուներ ներկայացնելու բացատրություններ և պարզաբանումներ՝ իրավախախտման հետևանքների վերացրած լինելու մասին, որի վերաբերյալ չի ներկայացրել նաև որևէ գրավոր դիրքորոշում, ինչպես նաև հետզոտելով գործում առկա բոլոր նյութերը, հետևում է, որ տվյալ դեպքում առկա չէ վարչական իրավախախտման համար պատասխանատվությունը մեղմացնող հանգամանք:

2. Վարչական ակտ ընդունելու հիմնավորումները.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենքի՝ 26-րդ հոդվածի 1.1-ին կետի համաձայն՝ Երևանի քաղաքապետն իրավասու է Հայաստանի Հանրապետության գործող օրենսդրության համաձայն, տուգանք կիրառելու Երևանում համաքաղաքային կանոններին համապատասխան համայնքի տարածքում արտաքին գովազդ տեղադրելու թույլտվության պայմանների խախտման մասին իր ծանուցագրերի պահանջների կատարումից խուսափելու կամ ժամանակին չկատարելու համար, ինչպես նաև Երևան քաղաքում առանց արտաքին գովազդ տեղադրելու թույլտվության արտաքին գովազդ տեղադրելու համար:

Օրենքի՝ 2.1-ին կետի համաձայն՝ Գովազդատուները, գովազդ արտադրողները, գովազդակիրները սույն հոդվածի 1.1-ին կետով նախատեսված խախտումների համար կրում են վարչական պատասխանատվություն: Այդ դեպքում Երևանի քաղաքապետն իրավունք ունի նրանց նկատմամբ կիրառելու տուգանք՝ նվազագույն աշխատավարձի մինչև 100-ապատիկի չափով:

Օրենք՝ 1-ին հոդվածի համաձայն՝ սույն օրենքը սահմանում է վարչարարության հիմունքները, կարգավորում է վարչական ակտեր ընդունելու, վարչական ակտերը, վարչական մարմինների գործողությունները և անգործությունը բողոքարկելու, վարչական ակտի կատարման, վարչական ծախսերի, ինչպես նաև վարչարարությամբ հասցված վնասի հատուցման հետ կապված՝ վարչական մարմինների և ֆիզիկական կամ իրավաբանական անձանց (այսուհետ՝ անձինք) միջև ծագած հարաբերությունները:

Օրենք՝ 49-րդ հոդվածի 1-ին մասի «գ» կետի համաձայն՝ վարչական մարմինը պարտավոր է կասեցնել վարչական վարույթը, եթե վարչական ակտի ընդունումը հնարավոր է միայն այդ ակտի հասցեատիրոջն ի հայտ բերելու դեպքում:

Օրենք՝ 49-րդ հոդվածի 3-րդ մասի 2-րդ պարբերության համաձայն՝ սույն հոդվածի 1-ին մասի «բ» և «գ» կետերով, ինչպես նաև 2-րդ մասով նախատեսված դեպքերում վարչական վարույթը վերսկսվում է դրա կասեցման հիմք դարձած հանգամանքները վերանայուց հետո, բայց ոչ ուշ, քան կասեցման մասին որոշում ընդունելու օրվանից հետո 60 օրը լրանալը:

Ելնելով վերոգրյալից և ղեկավարվելով Օրենսգրքի 23-րդ հոդվածի 2-րդ կետով, 34-րդ, 219.1-րդ, 252-րդ 281-րդ և 282-րդ հոդվածներով, Օրենքի՝ 26-րդ հոդվածով, Օրենք՝ 49-րդ հոդվածի 1-ին մասի «գ» կետով, 3-րդ մասով, Երևանի քաղաքապետի 14.02.2020 թվականի թիվ 460-Ա որոշմամբ՝

ՈՐՈՇԵՑԻ

1. «Էլիտ Էս Վե» սահմանափակ պատասխանատվությամբ ընկերության նկատմամբ 23.07.2020 թվականի հ.Վ-29/59 որոշմամբ կասեցված վարչական վարույթը վերսկսել:

2. «Էլիտ Էս Վե» սահմանափակ պատասխանատվությամբ ընկերությանն Օրենքի՝ 26-րդ հոդվածի 2.1-րդ մասով ենթարկել վարչական պատասխանատվության՝ նշանակելով վարչական տույժ 100.000 (մեկ հարյուր հազար) ՀՀ դրամ գումարի չափով:

3. Օրենսգրքի 305-րդ հոդվածի համաձայն տուգանքը պետք է վճարվի սույն որոշումը իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900055313366 հաշվեհամարին:

4. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԵՐԵՎԱՆԻ ՔԱՂԱՔԱՊԵՏԱՐԱՆԻ
ԱՇԽԱՏԱԿԱԶՄԻ ՎԱՐՉԱԿԱՆ
ԻՐԱՎԱՆԱԽՏՈՒՄՆԵՐԻ ՎԵՐԱԲԵՐՅԱԼ
ԳՈՐԾԵՐԻ ՔՆՆՈՒԹՅԱՆ ԲԱԺԵՐ ՊԵՏ՝



ԱՐԱՄ ԱՐՈՎՅԱՆ